



EBerhardus eruditione & pietate omnes alios suo tempore longè superauit. Cum itaque S. Henricus ex suis bonis finitimorum episcoporum consensu Babenbergensem Episcopatū suū dasset, hunc Eberhardum omnium aliorum consilio primum eius loci antistitem elegit, anno circiter 1012. Itaq; Eberhardus ibidē egregiam disciplinam instituit, atq; suo exemplo omnes eius loci sacerdotes ad uirtutes adhortatus est, ita ut omnes reliquæ Ecclesiæ horum pietatem & in rebus diuinis diligentiam commendarent, & admirarentur. Vnde S. Henricus Imperator eam ecclesiam plurimis bonis ditauit, ab aliorum episcoporum ditone separauit, atq; multis priuilegijs exornauit. Voluit etiam ut ipse cum Kunigunda uxore sua, adhuc uirgine, eo in templo sepeliretur, id quod etiam post mortem eius factum est. Cum hoc modo Eberhardus suam ecclesiam magna laude diu administrasset, tandem mortuus ibidem honorifice sepultus fuit. Anon. in Mog. Arch. Aribone.